

نومرو : ۸۲

اداره خانه

ایستانبول . جفال اوغلنده

دائرة اجتهاد

Idjtihad Constantinople

دوردنجی سنه

# اجتهاد

۲۸ تشرین ثانی ۱۳۲۹

آبونه

سنه لك آلتی آیلق

تورکیا ایچین ۵۴ غروش ۳۰ غروش

ممالك اجنبیه ایچین ۱۵ فرانق ۸ فرانق

نسخه سی ۵۰ باره

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرهامی صفا

بالعكس آرتە جق وقرندن قرنه كیده جك اولان بر عزیم وارادت یر آتمشدر . زمان محمدیده کی محیط سطحی و سفیل ایله ذات احمدی آرەسندە نه بیوک فرق وار !

نتیجە کلام : جناب آمەنك طوغوروب حلیمەنك ید ضراعته تودیع ایتدیکی یتیم ، الحق ، یوم تکیویندن بوکونه قدر بشریتك یتشدیردیکی وکره زمینك بیوتیدیکی چو جقارک الكمدەش مادە سنجاییه مالک نمونەسیدر .[\*]

میرزا نوری

### دیلله اقرار، قلبله تصدیق ایده رم ،

که بزده محافظه سنه کمال عصیتله صاریلایه لایق عنعنه یوقدر . عنعنه بیر قاچ بطنك مشترکاً و متعاقباً مالک ویا مملوک اولدینی اعتیاد معشری دن باشقا بیر شی دکلدر .

اعتیادلری زمان و مکان وجوده کتیریر و بوزمان و مکان تعدیلاته اوغرا دجه ، بومعشری [ یعنی فردی دکل بیر کومه انسانلرک مجموعنه عائد و شامل ] اعتیاددخی تدریجاً دکشیر . دکشمه دیکی حالده ، اوزە رینه اجرای تأثیر ایتدیکی عضویت اجتماعیه نك عافیتی بوزار .

بیر مثال ایله بوقضیه یی ایضاح ایده میم : تورکلرکک ، داها عمومی و محیط بیر تعبیرله عثمانلی نك ائزیزده موجب و موضوع افتخار عدایتدیکی عنعنه لرندن بیریده « مسافر پرورلک » در .

مسافر پرورلک هیچ شبهه یوق ، بدویت دورینك فضائل ضروریه سندن ایدی . تعبیره دقت اولونسون

[\*] ألدە مهم وثائق اولمیدندن اون اوچ عصر صکره نوع دهای احمدی حقنده فی بر مطالعہ نامہ قلمه آقندن عاجز . دهای عمدی یی یالکز آثارندن استبدال ایدبورز ؛ ذات دها بزم ایچون بر سردر . امراض نبویه حقنده ده برشی سوبلیه . میه جکزر . یالکز اسناد اولونان امراضی رد ایتدک . پروفور لومبر و صونك کتایبندە محمدالامینه دائر بش آلتی فقره وار . بونلری برکوزدن کچردک . شایان اهمیت . بولمیدمزدن نقلندن بیله صرف نظر ایتدک . علاوه شونیده سوبلیه لم که اوروپانك متجاسر و غبور روح شناسلری ایچنده امراض محمدیه نظرأ دهای بیغمبرینك علائم باتولوژیقیه سی تعریف ایده جک هنوز کیسه چیقماشدر .

تجری ایدنلر هر وقت فوق العاده ذکالرده علائم مرض جست وجو ایدبورلر . ایشته بویکی نوع نظریه یی ردایچون ذات بیغمبری یی و معرض مثالده سردایتمک کافیدر . محمد مصطفی فطرت داهیانەسی نقطه نظرندن عصبی بالطبعدر . اکملیت تشکلات عصبیه سی ذکای شاذینی تولید ایتمشدر . بوذکا مرضی اولمیدیغندن بونك نتیجه سی تاریخ انعام واک بیوک رجنی کورمشدر . جناب محمد و معنای کائناتی بلا ترجمان اکلامشدر . کذلک روحیات بشری ، حوائج حالی ، احتیاجات استقبالی طبیعتیه کورمشدر . هر کس کبی کوزلری سطحیات ایله ، ظواهر اشیا ایله مشغول اولمیدیغندن حقیقی کورمش ، حتی ألیله طومش و آتی نوع بشره ، اک سیاسی بر طرز واسلویده تبلیغ ایتشدر : اوت ! حضرت محمد جناب ( حق ) ی کورمشدر ! بوکا شبهه ایدلما ملیدر . اگر بو اسرار آمیز و فوق العاده اولان ملکات دماغیه نبویه یی اونوتورده یالکز لومبر و صوکی ، دووقور طولوز کبی هر داهینك جسمنده ، اثرنده خسته لق قیرپنتیلری آرار ایسه ک او دهانك ماهیتی اونوتورز : قایینی قورتاردم دیرکن کمی یی باطیررز !

بیغمبر حریم حقیقته ایدی . عوامدن بری ، خواص قدر کوره من . سیدالبشر کبی بر انموزج مستنا ایسه خواصک کوره مدیکنی کورور . حتی محمد بن عبدالله یالکز حریم حقده بولونمقله قالمدی . چونکه چوقلری ، زمره دهاته ایچنده ، یالکز کورورلر و سویلرلر . ویا یازارلردی . طالبوکه خاتم الانبیا هم کوردی ، آکلادی و همده استقباللرده نافذ اوله رق و نبض بشریتی یوقلابه رق علمک اک بیوک انقلابی یاپه جق درجه ده خارقه نما بر فعالیت کوستردی .

بیغمبردن زیاده ، هر شعبه و هر موقعه اتم واکمل برذایت کوره میورز . دهانك منحصر آغیر مرضی اولمیدیغه ذات رسالتپنهای بر برهاندر . نور نظر احمدی بر دین ، بر ملت ، حل و عقد ، حرب و ضربه قادر بر زمره اصحاب ، بر دولت قوی الشکیمه و استقبالده طاغیلمیوب

دیهه رځ قایي چالان الله در بدرینه اُك یاقین بیر ئوتلک  
آدره سنی ویرمک دن عبارت اولماق لازم کایر .

عزت نفسلر آرتق یوکسملک، کیمسه دن، انتظام  
حیات و معیشتنی اخلاص ایده جک فداکارلق بکله مەمهک  
زمانی کیشدر .

هر کس کندی کندیسینک قاسم الارزاقی ، خالق  
الارزاقی اولماق و حاتم طائی نك ضیافتدن بیله :  
« هر که راز عمل خویش خورد  
منت حاتم طائی نبرد ، [\*]

دیهه رځ ابا ایتک دورنده یز . بدوی اوروپاده مسافر  
فررورلک بدوی آسیادن داها آز دکادی !

اوروپا، بدویتدن، پک چوق مرحله لر اوزاقلاشدینی  
ایچین آرتق اوفضیلست بدوی بی چوقدن اونوتدی .

او، شیمدی ، بوکرمنجی عصر مدنیتده، کره ارض  
اوزنده غیر متمدن قوملرک بدوی اولاراق مسافر قالماسی  
امکانه آچیلان قایلری شدتله قاباقمله مشغول در .

مسافر پرورلیکله فضله مفتخر قالماقده اصرار ایدن  
اقوامک دیارلرینه مسافر کریز اوروپا زوراک مسافر  
کیریور و نه صاحب لری قوغیور .

بدوی « مه کسینقا » لی لک مهمان پرورلکنه  
ایسپانیول جه نهرال ( فهران قورته Cortez ) تاریخی هر  
اوقویانلره معلوم در که مه کسینقا لیرلک حکمدارلری  
دیری دیری یاقاق الماس و انجولری و بوتون اموالی  
ضبط و بوتون تبعه سنی اسیر ایتکله مقابله ایتدی .

ذکاسی ، عادی ذکاسرک پک چوق فوقنده اولدینی

ایچین کندیسنه بعض اذکیامنک منجون دیدیکی ( نیجه )  
« قومشولک ایچین فضله رحیم اولماق ، افسدی ! نفسکله

ظلم در » دییور . هر دردک احتیاجاتنه کوره فضائی  
اخلاقی ، وجدانی واردر . ۷ کانون اول ۱۹۱۳

دقتور عیبه الله هورت

[۱] معناسی : کندی آلتنک تريله اکتکی قازاناراقین  
بیر کیمسه ( حاتم طائی ) نك منتنی چکمز .

( حاتم طائی ) جو سردلکی و خلقه صیق صیق ضیافت چکمه بیله  
مشهور در .

فضائل ضروریه سندن دییورم ؛ چونکه آسیانک آلتای  
طاعلرندن دوکوله رځ ، صاچیلاراق اوروپای شرقیه  
آنادولویه ، عراق عرب و عراق عجمه الخ یاپیلان ویر چادیردن  
عبارت متحرک و طنلری یابیلان یابیلایه ، قیشین اینکین  
و معتدل هوالی یرلره ، یازین یوکسک وصولاق حوالیه  
حیوانات اهلیه سورولریله نقل ایدن قوملر مسافر پرورلک  
ایتمه یه مجبور و مسافر پرورلک کورمه یه محتاج ایدی . بیر قیلهدن  
قالقوب ایکی کوچ کونک مسافده بولونان بیر دوستی ویا  
اقربا سنی کورمه یه ویا خود او زمان پک حال ابتدائیده  
بولونان تجارتی اجرا ایتمه یه کیدن بیر ( کون دوغدی )  
بیر ویا بیر قاچ ( کوندوز آلپ ) چادیرنده اقشام طعامی  
ایتمه یه ، کیمجه یی کچیرمه یه مجبور ایدی .

مسافر پرورلک ایسه چادیرک بیر طرفنه آتیلمش بیر  
قویون ویا کچی پوستی ایله بیر طاس ایران ویر پارچه  
اکمک تقدیم ایتکدن عبارتدی . یوللرده ، خان یوقدی ،  
بقال یوقدی ، ئوتل یوقدی .

متمدن اوروپا به قارشى بیر تفوق اخلاقی موضوعی  
اولاراق حالا ایله ری سوردی کمز بوفضیلست کوی ، پک  
اعلا کورولیور و آکلا شیلماق لازم کلییور که بودور  
بدویتده در .

شو سطرلری اوقویا جاق اولانلردن بیر کیشی  
وارمیدر ، که شیمدی دکنکی قافاراق کان ، قایسینی چالان ،  
« الله مسافری قبول ایدرمیسگز ؟ » دین بیر یولجی به  
بویورک دیه بیلسین و الله مسافری اولان شخص مجهولی  
خانه سنده یا نیر بیلسین ، ییدوب ایچره بیلسین ؟

آلمانلر برملعه لفظیه یاپاراق دونکی Gastfreund بوکون  
Gastfreund اولدی دیرلر ، که دونکی مسافر پرور بوکون  
مسافر کریز اولدی ، دیمک در .

بوکون اوچ اوطه دن عبارت بیر آپارتمان لاقلا آیده  
اوچ ایرا کیرا ویرن و بورا به چولو غیله چو جو غیله صیقیشما به  
مجبور بولونان مدنی عالم لیرک اکثری معین بیر مطبخ بودجه سی  
تنظیم ایتک و اونک خارجنده مصرف یاپماق مجبوریتده در .  
بوکونک مسافر پرورلکی ، الله مسافری قبول ایدرمیسین